



Broj: 07-11-1046/21
Vogošća, 23.08.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 23.08.2021. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI
DISTRIBUTIVNE GASNE MREŽE NA PODRUČJU MZ VOGOŠĆA I, U ULICAMA
KRIVOGLAVCI I I II (III FAZA), NA PODRUČJU OPĆINE VOGOŠĆA**

Član 1.

Ponuda ponuđača "Špic beton" d.o.o. Zenica, ulica Pehare broj 72. Zenica, odabrana je za izvođenje radova na izgradnji distributivne gasne mreže na području MZ Vogošća I, u ulicama Krivoglavci I i II (III faza), na području općine Vogošća, kao jedina formalno-pravno ispravna ponuda, sa ponuđenom ukupnom cijenom nabavke u iznosu od 58.542,00 KM bez uračunatog PDV-a, odnosno 68.494,14 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 30.06.2021. godine donio Odluku o pokretanju Otvorenog postupka nabavke radova na izgradnji distributivne gasne mreže na području MZ Vogošća I, u ulicama Krivoglavci I i II (III faza), na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 30.06.2021. godine pod brojem: 1353-1-3-114-3-87/21.

Sažetak Obavještenja o nabavci objavljen je u "Službenom glasniku BiH" broj: 42/21 od 09.07.2021. godine.

Tendersku dokumentaciju sa Portala javnih nabavki BiH je preuzelo 10 (deset) ponuđača. Krajnji rok za dostavu ponuda bio je 28.07.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 28.07.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1046/21 iz juna 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Špic beton" d.o.o. Zenica	58.542,00	/	/	68.494,14
2	"Hik-net" d.o.o. Sarajevo	50.995,24	/	/	59.664,43

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Hik-net" d.o.o Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod b) TD-Napomenom III propisano je da će se kao dokazi o radnom angažmanu smatrati Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b) TD. Ponuđač "Hik-net" d.o.o Sarajevo je u svojoj Ponudi za traženo (strana 26-33. Ponude) iz tačke 7.4.1. pod b) TD između ostalog dostavio i dokaze za radnike Azrudin Durmo, Admir Kovačević, Hasib Jošanica i Muamer Fejzić. Za sve pobrojane radnike kao dokaz su dostavljeni Obrasci JS3100, izdati od Porezne uprave Federacije BiH-Ispostava Vogošća. Svi pobrojani radnici su prijavljeni kao osiguranici u periodu 2016-2019. godina.

Komisija za javne nabavke smatra da je ponuđač "Hik-net" d.o.o Sarajevo bio dužan uz dostavljene Obrasce JS3100, izdate od Porezne uprave Federacije BiH dostaviti i Listu osiguranih lica iz Poreske uprave-nadležne ispostave, a kako bi se zaista moglo utvrditi da su isti radnici i dalje prijavljeni kod Ponuđača, a sve shodno tački 7.4.2 pod b) TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Špic beton" d.o.o. Zenica ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Špic beton" d.o.o. Zenica, te je izvršena računaska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Obzirom da Ponuda ponuđača "Špic beton" d.o.o. Zenica sa ukupnom ponuđenom cijenom u iznosu od 58.542,00 KM bez uračunatog PDV-a prelazi procijenjenu vrijednost predmetne nabavke koja iznosi 51.000,00 KM bez uračunatog PDV-a, Komisija za javne nabavke je dana 17.08.2021. godine zatražila izjašnjenje od nadležne Službe da li može obezbijediti razliku sredstava u iznosu od 7.542,00 KM bez uračunatog PDV-a za realizaciju predmetne nabavke.

Služba za komunalne poslove se aktom broj: 07-11-1046/21 od 17.08.2021. godine očitovala da će moći obezbijediti razliku nedostajućih sredstava za realizaciju predmetne nabavke.

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Špic beton" d.o.o. Zenica, za izvođenje radova na izgradnji distributivne gasne mreže na području MZ Vogošća I, u ulicama Krivoglavci I i II (III faza), na području općine Vogošća, kao jedine formalno-pravno ispravne ponude, sa ponuđenom ukupnom cijenom nabavke u iznosu od 58.542,00 KM bez uračunatog PDV-a, odnosno 68.494,14 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Špic beton" d.o.o. Zenica
2. "Hik-Net" d.o.o. Sarajevo
3. Nadležnoj Službi
4. U dosije
5. a/a

032/456-147

033/436-860

